

先代舊事本紀卷第四

地祇本紀

素戔烏尊與天照太神,共為誓約,化生三之神.

瀛津島姬命.

湍津島姬命.

市杵島姬命.

素戔烏尊所行無狀,故八十萬諸神科以千座置戶而遂逐矣.

素戔烏尊率其子-五十猛神,降到於新羅曾尸茂梨之處矣.曾尸茂梨之處,纂疏新羅之地名也.按倭名鈔高麗樂曲有蘇志摩利,疑其地風俗之歌曲乎.乃興言曰:「此地吾不欲居.」遂以埴土作船,乘之東渡.到于出雲國簸之河上與安藝國可愛之河上所在鳥上峰矣.

素戔烏尊到於出雲國簸之河上名-鳥髮地之時,自其河上,箸流下者矣.素戔烏尊以為人在其河上,而尋覓上往者,聞河上有啼哭之聲,故尋聲往上.有一老翁與老婆,中間置小女而哭矣.

素戔烏尊問曰:「汝等誰也?何為哭如此之耶?」對曰:「吾是國神,號-腳摩乳.吾妻號-手摩乳.此童女是吾兒,號-奇稻田姬矣.所以哭者,往時吾兒有八箇少女矣,是為高志八岐大蛇,每年來喫.今臨被吞時,故哀傷矣.」

素戔烏尊問:「其形如何?」答曰:「大蛇一身八頭八尾,各有八岐.眼如赤酸醬.其身生蘿,亦松柏檻檜生於背上.其長度於谿八谷峽八尾,而見其腹者,悉常血爛矣.」素戔烏尊詔老夫曰:「是汝之女者,奉吾之耶?」對曰:「恐矣,亦不覺御名矣.」素戔烏尊詔曰:「吾者天照太神之弟也,今自天降焉.」答曰:「隨敕矣.奏請先殺彼蛇,然後幸者為宜也.」

素戔烏尊立化奇稻田姬為湯津爪櫛,而插於御髻矣.乃使腳摩乳・手摩乳釀八醞酒八甕.亦造迴垣,則於其垣作立八門,造八假廄,各置槽口而盛酒矣.則隨詔而如此設備而待之.

時八岐大蛇如所言蔓延於八丘八谷之間而至矣.素戔烏尊敕蛇曰:「汝是可畏之神,不敢饗之乎.」乃以八甕酒得每頭一槽,飲醉而睡伏寢矣.素戔烏尊乃拔所帶十握劍,寸斬其蛇.

此蛇為八段,每段成雷,總為八雷,飛躍昇天,是神異之甚矣.簸河變血而流.至斬其尾,劍刃少缺.故割裂其尾而視之.中有一劍,名-天聚雲劍.蓋於大蛇所居之上,常有雲氣,故以名焉.

素戔烏尊曰:「是神劍也.或本作神兵劍.吾何敢私以安乎!」乃遣五世孫-天之葺根神,上奉於天.天之葺根神者,古事記天之冬衣神,素戔烏尊五世孫也.神名帳云,山城國相樂郡和伎坐天乃夫支實神社.其後日本武尊征東之時,以其劍號曰-草薙劍矣.今在尾張國吾湯市村,即熱田神社所崇之神.

其斬蛇之劍,今則在吉備神部許.神名帳云,備前國赤坂郡石上布都之魂神社.到出雲簸之河上是也.亦云,斬蛇之劍號曰-蛇之麤正,今在石上神宮也.

素戔烏尊行覓將婚之處,遂到出雲之清地.亦云須賀須賀斯.須賀須賀斯,此云すかすかし,意-清清之.乃詔曰:「吾心清清之.」於彼處建宮之時,自其地雲立騰矣.因作御歌曰:

やぐもた いづもやえがき つまごみ やえがきつく やえがき
八雲立つ 出雲八重垣 妻籠に 八重垣作る その八重垣は

乃與邁合為妃.

所生之兒,大己貴神矣.亦名-八島士奴美神,亦名-大國主神,亦名-清之湯山主三名狹漏彥八島篠,亦名-清之繫名坂輕彥八島手命,亦名-清之湯山主三名狹漏彥八島野.

素戔烏尊敕曰:「吾見宮首者,即腳摩乳・手摩乳也.」故賜號於二神,曰-稻田宮主神.坐出雲神是也.

復娶大山祇神女,名-神大市姬,生二神.

兒,大年神.

次,稻倉魂神.

素戔烏尊曰:「韓鄉之島,是有金銀.若使吾兒所御之國不有浮寶者,未是佳矣.」

乃拔鬢髮散之,是成杉矣.

復拔胸毛散之,是成檜矣.

復拔眉毛散之,是成橡樟矣.

復拔尻毛散之,是成柏矣.

復定當其用.乃稱之曰:「杉及橡樟,此兩樹者可以將為浮寶也.復檜者可以為瑞宮之材也.復柏者可以為顯見蒼生奧津棄尸將臥之具.復夫須八十木種,皆能播生矣.」

素戔烏尊居熊成峰而遂入於根國矣.

兒-五十猛神天降之時,多將八十樹種須噉子樹種而不殖韓地,盡以持歸.

遂始自筑紫,於大八洲之內,莫不殖播而成青山矣.所謂五十猛命,為有功之神,則紀伊國所坐大神是也.

一說曰,素戔烏尊之子,

號曰-五十猛命.

妹,大屋姬命.

次,抓津姬命.

凡三神,亦能分布八十木種.則奉渡於紀伊國,及此國所祭之神是也.

大己貴神之平國矣.行到於出雲國之御大御前而且當飲食之時,海上忽有人聲,乃驚而求之,都無所見.

于時,自浪穗乘天蘿摩船而有一箇小男,以白蘋皮為船,以鷦鷯羽為衣.亦內剝鵝皮剝為衣服.隨潮水以浮到于大己貴命所.而取置掌中而覩之.則跳躍其頰,乃恠其物色,爾雖問其名,不答.且雖問所從諸神,皆為不知.

爾,多邇且久白言:「此者久延彥必知之.多邇且久者,蟾蜍也.」即召久延彥問時,答曰:「此者神皇產靈神之御子-少彥名神.」故爾白上於天神之時,神皇產靈尊聞之曰:「吾所產兒凡有一千五百座.其中一兒最惡,不順教養,自指間漏落者.必彼矣.故與汝葦原色男為兄弟,宜愛養矣.」即是少彥名命是也.

所謂久延彥者,於今者山田之曾富騰者也.即,案山子,稻草人也.此神足雖不行而盡知天下之神者也.

大己貴神與少彥名神戮力一心,經營天下矣.

復為顯見蒼生及畜產.則定其療病之方也.復為攘鳥獸昆蟲之災異,則定其禁厭之法也.是以百姓至今,咸蒙恩賴者矣.

大己貴命謂少彥名命曰:「吾等所造之國矣,豈謂善成乎?」少彥名命對曰:「或有所成,或有不成.」是談之蓋有幽深之致矣.

于其後,少彥名命行到熊野之御崎,遂摘於常世國矣.

亦云,至淡島而緣粟莖者,則彈渡至常世鄉矣.

大己貴命初與少彥名命二柱神坐於葦原中國如水母浮漂之時,為造號成己訖.

少彥名命渡常世後,國中所未成者,大己貴命獨能巡造矣.遂到出雲國五十狹狹之小汀而興言曰:「夫葦原中國,本自荒茫.至及磐石草木,咸能強暴.然吾已摧伏,莫不和順.」遂因言:「今理此國,唯吾一身而已.其可與吾共理天下者蓋有之乎?」此段據書紀靈劍出現段第五一書.

于時神光照海,忽以踊出波浪末,為素裝束,持天蘿槍,有浮歸來者,曰:「如吾不在者,汝何能平治此國乎?若無我者,何敢造堅建大造之績哉?」大己貴命問曰:「汝命是誰耶,名字云何?」對曰:「吾是汝之幸魂・奇魂・術魂之神也.術魂二字,日本紀無之.」大己貴命曰:「唯.然迺之,汝是吾幸魂・奇魂矣.今欲往何處耶?」對曰:「欲往於日本國青垣三諸山,則大倭國城上郡座是也.」

是故隨神願奉齋於青垣三諸山,即營宮使就而居.此大三輪大神.其神之子,即甘茂君・大三輪君等是也.

大己貴神乘天羽車大鷲而覓妻妾偶下下行於茅渟縣.娶大陶祈女子.活玉依姬為妻.往來之時,人非所之.

而密往來之間,女為妊身之時,父母疑恠問曰:「誰人來耶?」女子答曰:「神人狀來.自屋上零,入來坐,共覆臥耳.」

爾時父母忽欲察顯.續麻作綜,以針釣係神人短裳而明日隨絲尋覓.越自鑰穴,經茅渟山入吉野山,留三諸山.當知大神,則見其綜遺只有三縕,號-三輪山.謂-大山輪神社矣.

大己貴神兄事八十神也.夫所以奉避此國於大己貴神者,兄弟二神各有欲婚稻羽八上姬之心,共行稻羽之時,於大己貴神負袋,為從者率往.於是到於氣多崎時,裸兔有伏矣.于時兄事八十神謂其兔曰:「汝將為者,浴此海鹽,當風吹而伏高山尾上.」其兔隨八十神教而伏之時,其鹽隨乾其身皮悉風見吹拆,故痛苦泣泣伏矣.以下據古事記.

其最後來大穴牟遲神,大己貴神.見其免言:「何由汝泣伏?」免答言:「僕在於岐島,雖欲渡此地,不由渡傳.故欺海和邇言:『吾與汝競欲計族之多少.故汝者隨其族在皆悉率來.始自此島,迄氣多岐,背列伏渡.爾吾蹕其上,乍走讀渡.爰知與吾族孰多.和邇,此云わに,蓋鰐鮫乎.』如此言者,見欺而列伏之時,吾蹕其上讀渡來.今將下地時,吾云:『汝者我見欺言竟!』則伏最端和邇補吾,悉剝我衣服,因此泣患者.先行事八十神令以誨告:『浴鹽當風伏.』故為如教者,我身悉傷矣.」大己貴神教告其免:「今急往此水門,以水洗汝身.即取其水門之蒲黃,敷散而輾轉其上者,汝身如本膚必差.」故為如教,其身如本矣.今謂-稻羽素兔,今免神是也.

于時免白大己貴神云:「八十神者,必不得八上姬.雖負袋而汝命獲矣!」於是八上姬答八十神云:「不聞汝等之言,將嫁於大己貴神矣.」

因斯事,八十神急欲殺大己貴神.共議而至伯耆國之手向山本云:「赤豬在此山.故吾共追下者,汝待取.若不待取者,必將殺汝!」云而以火燒似豬大石而轉落.爾追下取時,即於其石所燒著而死矣.爾其御主命哭患而參上于天,請神皇產靈尊之時,乃遣訓黑貝姬與蛤貝姬命作活.爾,訓黑貝姬岐佐宜集,岐佐宜,此云きさけ,削貝之狀也.而蛤貝姬侍承而塗母乳汁者,成麗狀夫而遊行出矣.

事八十神且欺率入山而切伏大樹,箭矢打歷其木,令入其木中,則打離其冰木矢而拷殺矣.爾亦其御祖命哭乍求者,得見,即拆其木而取出活矣.御祖命告其子言:「汝有此間者,遂為八十神所滅矣.」乃速遣於紀國之大屋彥神御所.八十神覓追臻而矢刺之時,自木股漏而逃矣.御祖命告子云:「可參向速素箋烏尊所坐之根之堅州國.必其大神議矣!」

故隨詔命而參到於速素箋烏尊御所者,其女須勢理姬命出見,為目合而相婚.還入白其父言:「甚麗神來矣.」

而其大神出見而告:「此者謂之葦原色許男.」即喚入而令寢其蛇室.於是其妻須勢理姬命以蛇比禮授其夫云:「其蛇將咋,以此比禮三舉打撥.」故如教者,蛇自靜.故平寢出.

復,來日夜者,入蜈蚣與蜂室.亦授蜈蚣・蜂之比禮,教如先.故平出矣.

復,鳴鏑射入於大野之中,令採其矢.故入其野時,則以火迴燒其野矣.於是不知所出之間時,鼠來云:「內者富良富良,外者須夫須夫.富良富良,此云ほらほら,空洞狀也.須夫須夫,此云すぶすぶ,急窄之狀也.」如此言.故蹕其處者,落隱入間,火者燒過.爾其鼠乍持其鳴鏑,出來而奉矣.其矢羽者,其鼠子等皆喫矣.於是,須勢理姬者持喪具而哭來.

其父大神思已死訖,出自其野矣.爾持其矢以奉之時,率入家而喚入八田間大室而令取其頭虱之.故爾見其頭者,蜈蚣

多在。於是其妻以牟久木實與赤土，牟久木者，棕木也。令咋其夫。

故昨破其木實含赤土唾出者，其大神以為昨破蜈蚣唾出而於恩愛而寢。

爾握其神之髮，於室每椽結著而五百引石取塞其室戶，負其妻須勢理姬，即取持其大神生太刀與生弓矢及天詔琴而逃出之時，其天詔琴拂樹而地動鳴，因所寢大神聞驚而引伏其室，然解結椽髮之間逃矣。

爾追至黃泉平坂，遙望呼謂大己貴神曰：「其汝所持之生太刀・生弓矢，以此事汝庶兄者，追伏坂之御尾，亦追撥河之瀨而意禮為大國主神！亦為顯見國主神！其我之女須勢理姬為嫡妻而於宇迦能山之嶺，宇迦能山者，宇賀山也，於底津石根宮柱太斯理，斯理，此云しり。於高天原冰様高知而居是奴也！」

故持其太刀・弓，追避其八十神之時，每坂御尾追伏，每河瀨追撥而始作國矣。

其八上姬者，雖率來而畏其鎬妻須勢理姬兒所生之子者，刺挾木股，股，或作俱。

故名其子云木股神，亦名謂御井神也。

大己貴命將婚高至國之沼河姬，行幸之時，到其沼河姬家，歌曰，云云。如此歌，即為宇伎由比而宇那賀氣理氏，宇伎由比，此云うきゆひ，意結杯也。宇那賀氣理氏，此云うながけり，意合手也。至今鎮坐，此謂神語矣。以上據古事記。

素戔烏尊，此尊與天照太神共誓約，則所生三女，是爾兒。此據日本紀劍玉盟約段本書及第一，第三一書。

號田心姬命，亦名奧津島姬命，亦瀛姬島姬命，坐宗像奧津宮，是所居于遠瀛島者也。

次市杵島姬命，亦名佐依姬命，亦云中津島姬命，坐宗像中津宮，是所居于中島者也。

次湍津姬命，亦名多岐都姬命，亦云邊津島姬命，坐宗像邊都宮，是所居于海瀛者也。

以上三神，天照太神所生三女之神。「是汝兒也。」因授素戔烏尊。

則降居於葦原中國，宜降居於筑紫國宇佐島在北海道中，號曰道中貴，皇太神宮儀式帳云，須佐乃乎命御玉道主命，因教之曰：「奉助天孫而為天孫所祭！」即宗像君所祭也。亦云，水沼君祭並三柱神，宗像君齋祠三前大神也。

次五十猛命，亦云大屋彥神。

次大屋姫神。

次抓津姫神。

已上三柱，並坐紀伊國，則紀伊國造齋祠神也。

次事八十神。

次大己貴神，坐倭國城上郡大三輪神社。

次須勢理姬神，大三輪大神嫡后也。

次大年神。

次稻倉魂神，亦云宇迦能御玉神。

次葛木一言主神，坐倭國葛上郡。

兒，大己貴神，亦名大國主神，亦云大物主神，亦云國造大穴牟遲命，亦云大國玉神，亦云顯見國玉神，亦云葦原醜雄命，亦云八千茅神，並有八名乎，其子凡有百八十一神也。

先娶坐宗像奧都島神田心姬命，生一男一女。

兒，味鉗高彥根神，坐倭國葛上郡高鴨社，一云捨篠社。

妹，下照姬，坐倭國葛上郡雲櫛社，神名帳云，葛上郡大倉比賣神社，一名雲櫛社。

次娶坐邊都宮高津姫神，生一男一女。

兒，都味齒八重事代主神，坐倭國高市郡高市社，亦云甘南備飛鳥社。

妹，高照光姬大神命，坐倭國葛上郡御歲神社。

次娶稻羽八上姬，生一兒。

兒，御井神，亦名木股神。

次娶高志沼河姬，沼河或本坐河沼，生一男。

兒，建御名方神，坐信濃國諏方郡諏方神社。

孫，都味齒八重事代主神。

化八尋熊鰐通三島溝杭女活玉依姬，生一男一女。

兒，天日方奇日方命，此命，樞原朝御世，神武，敕為食國政申大夫供奉。

妹，踏鞴五十鈴姬命，此命，樞原朝立為皇后，誕生二兒。

即，神渟名耳天皇，綏靖。

次產，八井耳命是也。

次妹，五十鈴依姬命，此命，葛城高丘朝，綏靖，立為皇后，誕生一兒。

即，磯城津彥御手看天皇也，安寧。

三世孫，天日方奇日方命，亦名阿田都久志尼命。

此命娶日向賀牟度美良姬，生一男一女。

兒，健飯勝命。

妹，渟中底姬命，此命，片鹽浮穴宮天皇，安寧，片鹽浮穴宮，或本坐輕地曲峽宮，立為皇后，誕生四兒。

即，大日本根子彥耜友天，懿德。

次，常津命。

次,磯城津彥命.
次,手研彥奇友背命也.

四世孫-健飯勝命.此命,娶出雲臣女子-沙麻奈姬,生一男.

五世孫-建甕尻命.亦名,建甕槌命.亦云,建甕之尾命.
此命,伊勢幡主女-賀具呂姬為妻,生一男.

六世孫-豐御氣主命.亦名,建甕依命.
此命,紀伊草姬為妻,生一男.

七世孫-大御氣主命.
此命,大倭國-民磯姬為妻,生二男.

八世孫-阿田賀田須命.和邇君等祖.鴨部.神名帳云,土佐國香美郡大川上美良布神社.倭名抄云,土佐郡鴨部.
次,建飯賀田須命.此命,鴨部美良姬為妻,生一男.

九世孫-大田田禰古命.亦名,大直禰古命.
此命,出雲神門臣女-美氣姬為妻,生一男.姓氏錄云,出雲神門臣,天穗日命十二世孫-鶴瀧渟命後也.

十世孫-大御氣持命.
此命,出雲鞍山祇姬為妻,生三男.

十一世孫-大鴨積命.此命,磯城瑞籬朝御世,崇神.賜-賀茂君姓.
次,大友主命.此命,同朝御世,賜-大神君姓.
次,田田彥命.此命,同朝御世,賜-神部直・大神部直姓.

次,大年神.凡御子十六神.
先娶,須沼比神女-伊怒姬為妻,生子五柱.

兒,大國御魂神.大和神也.神名帳云,大和國山邊郡大和坐大國魂神社三座.日本紀云,崇神天皇六年,先是天照太神和大國魂二神並祭於天皇大殿之內,以日本大國魂神託渟名城入姬命祭.
次,韓神.
次,曾富理神.
次,向日神.神名帳云,山城國乙訓郡向日神社・大歲神社.
次,聖神.

次娶,賀用姬為妻,生子二兒.
兒,大香山戶神.
次,御年神.

次娶,天知迦流美豆姬為妻,生九兒.實十神,蓋奧津彥・奧津姬計一神乎.

兒,奧津彥神.
次,奧津姬神.上記此二神者,諸人拜祠灶神者也.

次,大咋山神.此神者,坐近淡海比叡山.亦坐葛野郡松尾用鳴鑣神者也.神名帳云,近江國滋賀郡日吉神社.同云,山城國葛野郡松尾神社二座.

次,庭津日神.
次,阿須波神.
次,波比岐神.
次,香山戶神.
次,羽山戶神.
次,庭高津日神.或本云,須庭高津日神.
次,大土神.亦名,土之御祖神.

次,羽山戶神.凡御子八柱.大氣都姬神為妻,生子八柱.
兒,若山咋神.
次,若年神.
妹,若沙那賣神.
次,彌豆麻岐神.
次,夏高津日神.亦名,夏之女神.
次,秋比女神.
次,久久年神.
次,久久紀若室葛根神.或本云,久久記若室葛根神.

[久遠の辯] [卷三] [卷五] [再臨詔]